

大般若波羅蜜多經

第三百八十

三十八  
結十



47197



佛日增輝  
 帝藏  
 佛日增輝  
 帝藏

山城州夫安寺法金剛院置

元祿九年丙子二月日重脩



大般若波羅蜜多經卷第三百八十

結

初分諸功德相品第六十八之二

三藏法師玄奘奉

詔譯

時具壽善現白佛言世尊何等名為菩薩摩訶薩行深般若波羅蜜多時所有甚奇希有之法聲聞獨覺皆所非有佛告善現諦聽諦聽善思念之吾當為汝分別解說菩薩摩訶薩行深般若波羅蜜多時所有甚奇希有之法善現菩薩摩訶薩行深般若波羅蜜多時住異熟生布施淨戒安忍精進靜慮般若波羅蜜多五妙神通三十七種菩提分法陀羅尼門三摩地門四靜慮四无量四无色定四无礙解八解脫八勝處九次第定十遍處空



大般若波羅蜜多經卷第三百八十

結

結

初分諸功德相品第六十八之二

三藏法師玄奘奉

詔譯

時具壽善現白佛言世尊何等名為菩薩摩訶薩行深般若波羅蜜多時所有甚奇希有之法聲聞獨覺皆所非有佛告善現諦聽諦聽善思念之吾當為汝分別解說菩薩摩訶薩行深般若波羅蜜多時所有甚奇希有之法善現菩薩摩訶薩行深般若波羅蜜多時住異熟生布施淨戒安忍精進靜慮般若波羅蜜多五妙神通三十七種菩提分法陀羅尼門三摩地門四靜慮四无量四无色定四无礙解八解脫八勝處九次第定十遍處空

無相無願三摩地等无量功德往十方界若  
諸有情應以布施而攝益者則以布施而攝  
益之應以淨戒而攝益者則以淨戒而攝益  
之應以安忍而攝益者則以安忍而攝益之  
應以精進而攝益者即以精進而攝益之應  
般若而攝益者即以般若而攝益之應以初  
靜慮而攝益者則以初靜慮而攝益之應以  
第二第三第四靜慮而攝益者則以第二第  
三第四靜慮而攝益之應以空无邊處定而  
攝益者則以空无邊處定而攝益之應以識  
无邊處无所有處非想非非想處定而攝益  
者則以識无邊處无所有處非想非非想處

定而攝益之應以慈无量而攝益者則以慈  
无量而攝益之應以悲喜捨无量而攝益者  
則以悲喜捨无量而攝益之應以四念住而  
攝益者則以四念住而攝益之應以四正斷  
四神足五根五力七等覺支八聖道支而攝  
益者則以四正斷乃至八聖道支而攝益之  
應以空三摩地而攝益者則以空三摩地而  
攝益之應以无相无願三摩地而攝益者則  
以无相无願三摩地而攝益之應以諸餘種  
種善法而攝益者則以諸餘種種善法而攝  
益之

具壽善現白佛言世尊云何菩薩摩訶薩行

深般若波羅蜜多時任異熟生布施淨戒安  
忍精進靜慮般若波羅蜜多五妙神通三十  
七種菩提分法陀羅尼門三摩地門四靜慮  
四无量四无色定四无礙解八解脫八勝處  
九次第定十遍處空无相无願三摩地等无  
量功德以布施等攝益有情佛言善現菩薩  
摩訶薩行深般若波羅蜜多時施諸有情所  
須之物須食与食須飯与飯須衣服与衣服  
須車乘与車乘須香花与香花須幢幡盖与  
幢幡盖須坐卧具与坐卧具須纓絡等諸莊  
嚴具与纓絡等諸莊嚴具須舍宅与舍宅須  
燈明与燈明須伎樂与伎樂須醫藥与醫藥

隨諸所須種種資具悉皆施為令无匱乏如  
施如來應正等覺諸供養具施諸獨覺亦復  
如是如施獨覺諸供養具施阿羅漢亦復如  
是如施阿羅漢諸供養具施諸不還亦復如  
是如施不還諸供養具施諸一來亦復如是  
如施一來諸供養具施諸預流亦復如是如  
施預流諸供養具施諸正至正行亦復如是  
如施正至正行諸供養具施持戒者亦復如  
是如施持戒者諸供養具施犯戒者亦復如  
是如施犯戒者諸供養具施諸外道亦復  
如是如施外道諸供養具施餘人趣亦復

如是如施人趣諸供養具施諸非人亦復如  
是如施非人諸供養具施諸傍生亦復如是  
於諸有情其心平等無差別想而行布施上  
從諸佛下至傍生平等平等無所分別何以  
故諸菩薩摩訶薩了達諸法及諸有情自相  
皆空都無差別故無異想無所分別而行布  
施是菩薩摩訶薩由無異想無所分別行布  
施故當得無異無分別果謂得圓滿一切相  
智及餘無量諸佛功德善現若菩薩摩訶薩  
見諸丐者便起是心若是如來應正等覺是  
福田故我應施與供養恭敬若傍生等非福  
田故不應施與所須資具是菩薩摩訶薩起

如是心非菩薩法所以者何善現諸菩薩摩訶薩發菩提心求趣無上正等菩提要淨自心福田方淨見諸乞者不應念言如是有情我應布施爲作饒益如是有情我不應施不作饒益違本所發菩提心故謂諸菩薩發菩提心我爲有情當作依怙洲渚舍宅救護之處見諸乞者應作念言今此有情貧窮孤露我當以施而攝益之彼由此緣亦能轉施少欲喜足離斷生命離不與取欲邪行離虛誑語離離間語離麁惡語離雜穢語亦離貪欲瞋恚邪見由此因緣生刹帝利大族或婆羅門大族或長者大族或居士大族或餘隨一

富貴處生豐饒財寶修諸善業或由此施攝  
益因緣漸依三乘而得度脫謂令趣入聲聞  
獨覺及無上乘三無餘依般涅槃界

復次善現若菩薩摩訶薩有餘怨敵或諸有  
情來至其所爲損害故或匱乏故有所求索  
是菩薩摩訶薩終不發起分別異心此應施

與此不應施但常發起平等之心隨所求索  
悉皆施與所以者何是菩薩摩訶薩普爲利  
樂諸有情故求趣無上正等菩提若當發起  
分別異心此應施與此不應施便爲如來應  
正等覺及諸菩薩獨覺聲聞世間天人阿素  
洛等共所呵責誰要請汝發菩提心誓普利

樂諸有情類無歸依者為作歸依無救護者  
為作救護無室宅者為作室宅無洲渚者為  
作洲渚而今簡別有施不施復次善現若菩  
薩摩訶薩行深般若波羅蜜多時有人非人  
來至其所求索身分手足支節是菩薩摩訶  
薩不起二心為施不施唯作是念隨所求索

結

若三ノハナ

四

南

皆當施之何以故是菩薩摩訶薩恒作是念  
我為利樂諸有情故而受此身諸有來求定  
當施與不應不施故見乞者便起是心吾今  
此身本為他受彼不來取尚應自送况來求  
索而當不與作是念已歡喜踊躍自解支節  
而受與之復自慶言今獲大利善現菩薩摩

訶薩行深般若波羅蜜多應如是學復次善  
現若菩薩摩訶薩見有乞者便作是念今於  
此中誰施誰受所施何物由何而施爲何而  
施云何而施諸法自性皆不可得所以者何  
如是諸法皆畢竟空非空法中有與有奪善  
現菩薩摩訶薩行深般若波羅蜜多時應如  
是學諸法皆空謂或由內空故空或由外空  
故空或由內外空故空或由空空故空或由  
大空故空或由勝義空故空或由有爲空故  
空或由無爲空故空或由畢竟空故空或由  
無際空故空或由散空故空或由無變異空  
故空或由本性空故空或由自相空故空或由

由共相空故空或由一切法空故空或由不  
可得空故空或由無性空故空或由自性空  
故空或由無性自性空故空是菩薩摩訶薩  
住此空中而行布施恒時無間圓滿布施波  
羅蜜多由布施波羅蜜多得圓滿故為他割  
截內外物時其心都無瞋恨分別但作是念  
結有情及法一切皆空誰割截我誰受割截誰  
看三三八十  
復觀空復次善現我以佛眼遍觀十方無量  
殊伽沙等世界諸菩薩摩訶薩為欲利樂諸  
有情類以故思願入大地獄入已發起三種  
示導何等為三一者神變示導二者記說示  
導三者教誡示導是菩薩摩訶薩以神變示

導滅除地獄湯火刀等種種苦具以記說示  
導記彼有情心之所念而爲說法以教誡示  
導於彼發起大慈大悲大喜大捨而爲說法  
令彼地獄諸有情類於菩薩所生淨信心由  
此因緣從地獄出得生天上或生人中漸依  
三乘作苦邊際復次善現我以佛眼遍觀十  
方無量殞伽沙等世界諸菩薩摩訶薩承事  
供養諸佛世尊是菩薩摩訶薩承事供養佛  
世尊時深心歡喜非不歡喜深心愛樂非不  
愛樂深心恭敬非不恭敬是菩薩摩訶薩於  
諸如來應正等覺所說正法恭敬聽聞受持  
讀誦乃至無上正等菩提終不忘失隨所聞

法能爲有情無倒解詭令獲殊勝利益安樂  
乃至無上正等菩提常無解廢復次善現我  
以佛眼遍觀十方無量殞伽沙等世界諸菩  
薩摩訶薩爲欲饒益傍生趣中諸有情故自  
捨身命是菩薩摩訶薩見諸傍生飢火所逼  
欲相殘害起慈愍心自割身分斷諸支節散  
擲十方恣令食噉諸傍生類得此菩薩身肉  
食者皆於菩薩深起愛敬慚愧之心由此因  
緣脫傍生趣得生天上或生人中值遇如來  
應正等覺聞說正法如理修行漸依二乘而  
得度脫謂隨說入聲聞獨覺及無上乘三無  
餘依般涅槃界如是善現諸菩薩摩訶薩能

爲世間作難作事多所饒益謂爲利樂諸有情故自發無上正等覺心亦令他發馱離生死求菩提心自行種種如實正行亦令他行漸入三乘般涅槃界復次善現我以佛眼遍觀十方無量殑伽沙等世界諸菩薩摩訶薩爲欲饒益餓鬼界中諸有情類以故思願往

結 石三三十八

六

南

彼界中方便息除飢渴等苦彼諸餓鬼衆苦既息於此菩薩深起愛敬慚愧之心乘此善根脫餓鬼趣得生天上或生人中常遇如來應正等覺恭敬供養聞正法音漸次修行三乘正行乃至得入三無餘依般涅槃界如是善現諸菩薩摩訶薩於有情類安住大悲發

起無邊方便善巧拔濟令入三乘涅槃畢竟  
安樂復次善現我以佛眼遍觀十方無量殊  
伽沙等世界諸菩薩摩訶薩或為四大王衆  
天宣說正法或為三十三天宣說正法或為  
夜摩天宣說正法或為覩史多天宣說正法  
或為樂變化天宣說正法或為他化自在天  
宣說正法是諸天衆於菩薩所聞正法已漸  
依三乘勤修正行隨應趣入三無餘依般涅  
槃界善現彼天衆中有諸天子耽著天上五  
妙欲樂及所居止衆寶宮殿是菩薩摩訶薩  
示現火起燒其宮殿令生厭怖因為說法作  
是言諸天子應審觀察諸行無常苦空非我

不可保信誰有智者於斯樂著時諸天子聞  
此法音皆於五欲深生厭離自觀身命虛偽  
無常猶如芭蕉電光陽焰觀諸宮殿譬如牢  
獄作是觀已漸依三乘勤修正行而取滅度  
復次善現我以無障清淨佛眼遍觀十方無  
量殞伽沙等世界諸菩薩摩訶薩見諸梵天  
著諸見趣方便化導令其遠離告言天仙汝  
等云何於空無相虛妄不實一切法中發起  
如是諸惡見趣當疾捨之信受正法令汝獲  
得無上甘露如是善現諸菩薩摩訶薩安住  
大悲爲諸有情宣說正法善現是爲菩薩摩  
訶薩所有甚奇希有之法復次善現我以佛

眼遍觀十方無量殊伽沙等世界諸菩薩摩訶薩以四攝事攝諸有情何等爲四一者布施二者愛語三者利行四者同事善現云何菩薩摩訶薩能以布施攝諸有情善現菩薩摩訶薩以二種施攝諸有情何等爲二一者財施二者法施善現云何菩薩摩訶薩能以財施攝諸有情善現菩薩摩訶薩行深般若波羅蜜多時能以種種金銀眞珠末尼珊瑚吠瑠璃寶頗脰迦寶珂貝璧玉帝青大青石截杵截紅蓮寶等生色可染施諸有情或以種種衣服飲食殿閣樓臺房舍卧具車乘香花燈明伎樂寶幢幡蓋及瓔珞等施諸有情

或以妻妾男女僮僕及侍衛者施諸有情或以象馬牛羊驢等諸傍生類施諸有情或以種種財物庫藏城邑聚落及王位等施諸有情或以身分手足支節頭目髓腦施諸有情是菩薩摩訶薩以種種物置四衢道昇高臺上唱如是言一切有情有所須者恣意來取

勿生疑難如取已物莫作異想是菩薩摩訶薩施諸有情所須物已復勸歸依佛法僧寶或勸受持近事五戒或勸受持近住八戒或勸受持十善業道或勸修行初靜慮或勸修行第二第三第四靜慮或勸修行慈無量或勸修行悲喜捨無量或勸修行空無邊剋定

或勸修行識無邊處無所有處非非想  
處定或勸修行佛隨念或勸修行法隨念僧  
隨念戒隨念捨隨念天隨念或勸修行不淨  
觀或勸修行持息念或勸修行無常想或勸  
修行無常苦想苦無我想不淨想馱食想一  
切世間不可樂想死想斷想離想滅想或勸  
修行四念住或勸修行四正斷四神足五根  
五力七等覺支八聖道支或勸修行空三摩  
地或勸修行無相無願三摩地或勸修行空  
解脫門或勸修行無相無願解脫門或勸修  
行八解脫或勸修行八勝處九次第定十遍  
處或勸修行布施波羅蜜多或勸修行淨戒

安忍精進靜慮般若方便善巧願力智波羅  
蜜多或勸安住苦聖諦或勸安住集滅道聖  
諦或勸安住內空或勸安住外空內外空空  
空空大空勝義空有爲空無爲空畢竟空無際  
空散空無變異空本性空自相空共相空一  
切法空空不可得空無性空自性空無性自性  
空或勸安住真如或勸安住法界法性不虛  
妄性不變異性平等性離生性法定法住實  
際虛空界不思議界或勸修行一切陀羅尼  
門或勸修行一切三摩地門或勸修行極喜  
地或勸修行離垢地發光地焰慧地極難勝  
地現前地遠行地不動地善慧地法雲地或

勤修行五眼或勸修行六神通或勸修行如  
來十力或勸修行四無所畏四無礙解十八  
佛不共法或勸修行大慈或勸修行大悲大  
喜大捨或勸修行無忘失法或勸修行恒住  
捨性或勸修行一切智或勸修行道相智一  
切相智或勸修行三十二大士相或勸修行  
八十隨好或勸修行預流果或勸修行一來  
不還阿羅漢果獨覺菩提或勸修行一切菩  
薩摩訶薩行或勸修行諸佛無上正等菩提  
如是善現諸菩薩摩訶薩行深般若波羅蜜  
多方便善巧於諸有情行財施已復善安立  
諸有情類令住無上安隱法中乃至令得一

結

百三十八

九

甫

切智智善現是爲菩薩摩訶薩行深般若若波  
羅蜜多所有甚竒希有之法善現云何菩薩  
摩訶薩行深般若波羅蜜多時能以法施攝  
諸有情善現菩薩摩訶薩法施有二種何等  
爲二一者世間法施二者出世法施善現云  
何名爲菩薩摩訶薩世間法施善現菩薩摩  
訶薩行深般若波羅蜜多時爲諸有情宣說  
開示分別顯了世間諸法謂不淨觀若持息  
念若四靜慮若四梵住若四無色定若餘世  
間共異生法如是名爲世間法施善現是菩  
薩摩訶薩行世間法施已種種方便化導有  
情令其遠離世間諸法種種方便化導有情

令住聖法及聖法果善現云何聖法及聖法  
果善現聖法者謂四念住四正斷四神足五  
根五力七等覺支八聖道支空無相無願解  
脫門布施淨戒安忍精進靜慮般若波羅蜜  
多八解脫九次第定陀羅尼門三摩地門菩  
薩十地五眼六神通如來十力四無所畏四  
無礙解大慈大悲大喜大捨十八不共法  
無忘失法恒住捨性一切智道相智一切相  
智等諸無漏法善現聖法果者謂預流果一  
來果不還果阿羅漢果獨覺菩提諸佛無上  
正等菩提復次善現菩薩摩訶薩聖法者謂  
預流果智一來果智不還果智阿羅漢果智

獨覺菩提智諸佛無上正等菩提智四念住  
智四正斷四神足五根五力七等覺支八聖  
道支智空解脫門智無相無願解脫門智四  
靜慮智四無量四無色定智八解脫智八勝  
處九次第定十遍處智布施波羅蜜多智淨  
戒安忍精進靜慮般若波羅蜜多智一切陀

結

卷三百八十

有

羅尼門智一切三摩地門智若聖諦智集滅  
道聖諦智內空智外空內外空空空大空勝  
義空有爲空無爲空畢竟空無際空散空無  
變異空本性空自相空共相空一切法空不  
可得空無性空自性空無性自性空智真如  
智法界法性不虛妄性不變異性平等性離

生性法定法住實際虛空界不思議界智菩薩十地智五眼六神通智如來十力智四無所畏四無礙解大慈大悲大喜大捨十八佛不共法智無忘失法智恒住捨性智一切智智道相智一切相智智及餘一切世間出世間法智有漏無漏法智有爲無爲法智是名聖法聖法果者謂永斷一切煩惱習氣相續是名聖法果時具壽善現白佛言世尊菩薩摩訶薩亦能得一切相智耶佛言善現如是如是菩薩摩訶薩亦能得一切相智善現白佛言世尊若菩薩摩訶薩亦能得一切相智者與諸如來應正等覺有何差別佛言善現

菩薩摩訶薩名爲隨得一切相智一切如來  
應正等覺名爲已得一切相智所以者何非  
諸菩薩摩訶薩心與諸如來應正等覺倏然  
有異謂諸菩薩摩訶薩衆與諸如來應正等  
覺俱住諸法無差別性於諸法相求正遍知  
說爲菩薩摩訶薩衆若至究竟即名如來應  
正等覺於一切法自相共相照了無闇清淨  
具足住因位時名爲菩薩摩訶薩衆若至果  
位即名如來應正等覺是故菩薩摩訶薩與  
諸如來應正等覺雖俱名得一切相智而有  
差別善現是名菩薩摩訶薩世間法施諸菩  
薩摩訶薩因依如是世間法施復能修行出

結

古三三八十

十一

南

世法施謂諸菩薩摩訶薩行深般若波羅蜜  
多方便善巧先教有情世間善法後令遠離  
世間善法安住出世無漏聖法乃至令得一  
切智智善現何等名爲出世聖法諸菩薩摩  
訶薩爲諸有情宣說開示分別顯了說名法  
施善現一切不共異生善法若正修習令諸  
有情超出世間安隱而住故名出世謂四念  
住四正斷四神足五根五力七等覺支八聖  
道支三解脫門八解脫九次第定四聖諦智  
波羅蜜多諸空等智菩薩十地五眼六神通  
如來十力四無所畏四無礙解十八不共  
法大慈大悲大喜大捨三十二大士相八十

隨好一切陀羅尼門一切三摩地門諸如是  
等無漏善法一切皆名出世聖法善現云何  
名四念住善現謂於內身住循身觀於外身  
住循身觀於內外身住循身觀具足正勤正  
知正念除世貪憂住身集觀住身滅觀由彼  
於身住循身觀住身集觀住身滅觀無所依  
止於諸世間無所執受是為第一於內受住  
循受觀於外受住循受觀於內外受住循受  
觀具足正勤正知正念除世貪憂住身集觀  
住受滅觀由彼於受住循受觀住身集觀住  
受滅觀無所依止於諸世間無所執受是為  
第二於內心住循心觀於外心住循心觀於

內外心住循心觀具足正勤正知正念除世  
貪憂住心集觀住心滅觀由彼於心住循心  
觀住心集觀住心滅觀無所依止於諸世間  
無所執受是爲第三於內法住循法觀於外  
法住循法觀於內外法住循法觀具足正勤  
正知正念除世貪憂住法集觀住法滅觀由  
彼於法住循法觀住法集觀住法滅觀無所  
依止於諸世間無所執受是爲第四善現是  
名四念住善現云何名四正斷善現爲令未  
生惡不善法不生故起欲發勤精進策心持  
心是爲第一爲令已生惡不善法斷故起欲  
發勤精進策心持心是爲第二爲令未生善

法生故起欲發勤精進策心持心是爲第三  
爲令已生善法堅住不忘修滿倍增廣大智  
作證故起欲發勤精進策心持心是爲第四  
善現是名四正斷善現云何名四神足善現  
欲三摩地斷行成就修習神足依止厭依止  
離依止滅迴向於捨是爲第一勤三摩地斷  
行成就修習神足依止厭依止離依止滅迴  
向於捨是爲第二心三摩地斷行成就修習  
神足依止厭依止離依止滅迴向於捨是爲  
第三觀三摩地斷行成就修習神足依止厭  
依止離依止滅迴向於捨是爲第四善現是  
名四神足善現云何名五根善現信根精進

根念根定根慧根善現是名五根善現云何  
名五力善現信力精進力念力定力慧力善  
現是名五力善現云何名七等覺支善現念  
等覺支擇法等覺支精進等覺支喜等覺支  
輕安等覺支定等覺支捨等覺支善現是名  
七等覺支善現云何名八聖道支善現正見  
正思惟正語正業正命正精進正念正定善  
現是名八聖道支善現云何名三解脫門善  
現空解脫門無相解脫門無願解脫門善現  
是名三解脫門善現云何名空解脫門善現  
若空行相無我行相虛偽行相無自性行相  
心一境性善現是名空解脫門善現云何名

無相解脫門善現若滅行相寂靜行相遠離  
行相心一境性善現是名無相解脫門善現  
云何名無願解脫門善現若苦行相無常行  
相顛倒行相心一境性善現是名無願解脫  
門善現云何名八解脫善現有色觀諸色是  
爲第一解脫內無色想觀外諸色是爲第二  
解脫淨勝解身作證是爲第三解脫超一切  
色想滅有對想不思惟種種想入無邊空空  
無邊處定具足住是爲第四解脫超一切空  
無邊處入無邊識識無邊處定具足住是爲  
第五解脫超一切識無邊處入無少所有無  
所有處定具足住是爲第六解脫超一切無

所有處入非想非非想處定具足住是爲第  
七解脫超一切非想非非想處入想受滅定  
具足住是爲第八解脫善現是名八解脫善  
現云何名爲九次第定善現謂有一類離欲  
惡不善法有尋有伺離生喜樂初靜慮具足  
住是爲第一復有一類尋伺寂靜內等淨心

一趣性無尋無伺定生喜樂第二靜慮具足  
住是爲第二復有一類離喜住捨正念正知  
身受樂唯諸聖者能說應捨具念樂住第三  
靜慮具足住是爲第三復有一類斷樂斷苦  
先喜憂沒不苦不樂捨念清淨第四靜慮具  
足住是爲第四復有一類超一切色想滅有

對想不思惟種種想入無邊空空無邊處定  
具足住是爲第五復有一類超一切空無邊  
處入無邊識識無邊處定具足住是爲第六  
復有一類超一切識無邊處入無少所有無  
所有處定具足住是爲第七復有一類超一  
切無所有處入非想非非想處定具足住是  
爲第八復有一類超一切非想非非想處入  
想受滅定具足住是爲第九善現是名九次  
第定善現云何名爲四聖諦智善現苦智集  
智滅智道智善現是名四聖諦智善現云何  
名爲波羅蜜多善現布施淨戒安忍精進靜  
慮般若方便善巧妙願力智波羅蜜多善現

是名波羅蜜多善現云何名爲諸空等智善  
現內空智外空智內外空智空空智大空智  
勝義空智有爲空智無爲空智畢竟空智無  
際空智散空智無變異空智本性空智自相  
空智共相空智一切法空智不可得空智無  
性空智自性空智無性自性空智若真如智  
法界智法性性智不虛妄性智不變  
異性智平等性智離生性智法定智法住智  
實際智虛空界智不思議界智善現是名楮  
空等智善現云何名爲菩薩十地善現極喜  
地離垢地發光地焰慧地極難勝地現前地  
遠行地不動地善慧地法雲地善觀是名喜

是名波羅蜜多善現云何名爲諸空等智善  
現內空智外空智內外空智空空智大空智  
勝義空智有爲空智無爲空智畢竟空智無  
際空智散空智無變異空智本性空智自相  
空智共相空智一切法空智不可得空智無  
性空智自性空智無性自性空智若真如智

法界智因性智不虛妄性智不變

異性智平等性智離生性智法定智法住智  
實際智虛空界智不思議界智善現是名諸  
空等智善現云何名爲菩薩十地善現極喜  
地離垢地發光地焰慧地極難勝地現前地  
遠行地不動地善慧地法雲地善現是名菩

薩十地善現云何名五眼善現肉眼天眼聖  
慧眼法眼佛眼善現是名五眼善現云何名  
六神通善現神境智證通天眼智證通天耳  
智證通他心智證通宿住隨念智證通徧盡  
智證通善現是名六神通

善現云何名為如來十力善現一切如來應

正等覺是處如實知是處非處十五如實知非處

是為第一一切如來應正等覺於諸有情過

去未來現在諸業及諸法受處因異熟皆如

實知是為第二一切如來應正等覺於諸世

間非一界種種界皆如實知是為第三一切

如來應正等覺於諸世間非一勝解種種勝

解皆如實知是為第四一切如未應正等覺  
於諸有情補特伽羅諸根勝劣皆如實知是  
為第五一切如未應正等覺於一切遍趣行  
皆如實知是為第六一切如未應正等覺於  
諸根力覺支道支靜慮解脫等持等至雜染  
清淨皆如實知是為第七一切如未應正等  
覺以淨天眼眼超過於人見諸有情死時生時  
諸善惡事如是有情因身熱意三種惡行因  
諸邪見因擄賢聖隨諸惡趣如是有情因身  
語意三種妙行因諸正見因攢賢聖昇諸善  
趣生諸天中復以天眼清淨過人見諸有情  
死時生時好色惡色從此復生善趣惡趣於

諸有情隨業勢力生善惡趣皆如實知是為  
第八一切如未應正等覺於諸有情過去無  
量諸宿住事或一生或百生或千生或百千  
生或一俱胎生或百俱胎生或千俱胎生或  
百千俱胎那度多生或一劫或百劫或千劫  
或百千劫或一俱胎劫或百俱胎劫或百千  
俱胎劫或百千俱胎那度多劫乃至前際所  
有諸行諸說諸相皆如實知是為第九一切  
如未應正等覺於諸漏盡無漏心解脫無漏  
慧解脫皆如實知於自漏盡真解脫法自證  
通慧具足而住如實覺受我生已盡梵行已  
立所作已辦不受後有是為第十美現是名

如來十力

大般若波羅蜜多經卷第三百八十

結

